

11

Ch. Remyprime

LE FRANC

(84)

TAVPIN.

1614

2990

*Les abuseurs ingrats au Dieu de la nature.
 Et à mon Roy Henry, & à sa geniture,
 Se façonnent des-jà un reformé Iupin:
 Mais si le Roy Louys leur adresse la guerre.
 Je veux perdre mon nom de brave Frac Taupin
 S'il ne les mande tous au centre de la terre.*

8



A PARIS,

Chez P I E R R E B V R A Y, au mont S.
 Hylaire, à la Court d'Aibret.

M. VC. XIV.

8 pp
coll
m d

- Acc 83-101(84)

LE FRANC TAVPIN.

H *A quiena chené carrogne cy, quatella qu'ennarda*
 (disoit le bon aduenturier mon petit frere
 sur l'aneantissement des fougues printennieres)
 qu'elle a luy respondis-*ie, le bos tu s'aboir*, elle a tant
 du Saturne que qui ne luy en osterá iamais ne l'a-
 lumera : crois moy mets tes armes au croc enco-
 re vne heure & trois quarts , ou enuiron , & puis
 peut-estre qu'il te les faudra reprendre. Car vois-
 tu il ne faut pas estre Prophete pour dire ce que
 ie sçay. Le monde aujourd'huy est si rapide , que
 si tous ceux qui sont cause des leuees de tailles
 faisoient le testamēt du Parisien de iadis, on trou-
 ueroit au pont allez de toutes sorte de bestes. Ce
 Parisiens , de qui ie te parle auoit esté cause de
 quelques tailles sur les Parisiens dōt il se repentit
 à la fin, & de desplaisance il commanda par testa-
 ment qu'on enterrast son corps sous vne cloaque
 qui estoit au lieu qu'on nomme de present le pont
 Alais, prez l'Eglise S. Eustache. Mais ou me suis-
 ie logé à propos de vilanie tout le monde est sivi-
 lain que mesmes les beaux plus grāds, qui ne sont
 pas les plus sages, recherchent la vilanie & aymēt
 mille fois mieux l'entretien d'un maquereau, que
 de cent hōmes d'honneur, ce qui ne pourra durer
 D'autre part que dirons nous du mal qui court ?
 Voy-tu mon frere. Il est à presumer que le pre-
 mier Prince, qui doit estre le premier amy & su-
 ject, ressuit les membres de cest estat pour remet-
 tre ceux qui se voudront disloquer, s'il est ainsi
 Dieu l'y pardoin, il nous la donne tres-verte : car

nous (qui ne plaindriōs pas de le voir mort en bataille, pourueu que nostre fortune s'augmentast d'un million de pistolles] ne demandons pas cela, ains vne belle paix de toute permission à fin de nous reuenger des gros grippominaux, & chaf-fourrez, encarrofsez comme de beaux diables qui les puissent tous emporter chetifs qu'ils sont de-serteurs de la Noblesse. *Brabe & baleyrouse, cap de saint Picault, si' entenois vn que iou sçay pla les rendroit les pistoles qu'il a eu de moy, & sans gain de cause, ha praubé que iou lou treterois pla ; Il s'est desia hait son pro-cex en condamnant mon goujat au gibet pour deux pistoles qu'el m'aboit desrobé.* Ce sera doncques iustice que ie le pende à vn arbre par les pieds comme vn en-ragé qu'il est quand ie l'auray à ma mercy, qui sera bien tost, si les reformateurs tant de l'un que de l'autre sexe sont creus, ainsi que ie le desire, ça, ça, ça, ma liberté, ma carrabine, mon cimeterre, que ie deffende ma franchise, quoy? ie suis Franc Taupin, François, & ie ne parlay pas, ie verray enginer & rançonner mon Roy, crucier, & esclandir ses fideles sujets, comminuer & concul-quer son riche Royaume, & ie tiendray sel en bouche, voire & ou seroit mon nom de Franc Taupin & puis, mon frere, serions nous toy & moy enfans du franc Archer, si nous endurions cela, ha ventre de sainte brique, à la guerre à la guerre, mon frere plustost mourir mille fois. Ha l'entends des-jà ta *Hene que te ben disé à tau.* VIVEZ VIVEZ EN PAY, VIVEZ AVEC L'VN L'AVTRE, ET NE VOVS ENGAIGNE' CREYDAN QV'ON NE FV CHE' MALADE. Elle a beau crier la bonne Dame, le desordre est trop grand, les Princes sont trop gras, les iuges trop auares & fiers, les bourgeois trop arrogans, & les honnestes hom-

mes trop oprimez cela ne peut tenir la corde se
 va rompre, & Dieu sçait quel coup donneront les
 haut montez pistoles en ont esleué & pistolez les
 dessendront, Dieu doinct du bois au gros mou-
 lin : car il aprou-vent pour allumer le flambeau
 belique, pleust à Dieu que tous les traistres fus-
 sent chassés de la France, les Simoniaques de l'E-
 glise, & les heretiques du Temple, on ne verroit
 pas tant de danger au Royaume, d'heretiques au
 monde n'y d'Asnes sous le bonnet. Je viens de
 passer au Marez dernier m'a tante Marguerite, là
 i'ay entendu (courage mon frere) vn certain ca-
 phart qui sous le nom venerable de Mathault
 dōnoit vn arrest contre les Rouge Noirs, & si ar-
 rogamment que ie pēsois estre aux efforts de Bel-
 lonne, i'ay porté la main sur la garde de mon es-
 pée : mais vne voix Prophetique m'est venu bat-
 tre à l'oreille & m'a gardé de passer outre, ou va
 tu franc Taupin, ou vas tu, la femme de ce gros
 Mathault vient de iurer par ses cornes quelle à
 par son laiçt maudit, prins vn gros Loup par la
 cuë, arreste toy mon couillaud ce n'est pas enco-
 re la guerre. Que maudits soyent les Frellots sans
 eux nous irions tous d'vn bon accort au pillage
 des Turbans : mais ils sont tous d'heretiques. Or
 sus mon aduanturier crois tu bien que la paix
 dure? dis-tu non? sur mon ame tu dis bien : car la
 verité fanfare par tout que chacun en veut s'apart
 du lard à quel prix que se soit : mais le maistre ny
 veut entendre, il ne faut plus que 30. villes &
 vingt mille hommes de pied avec quinze cens
 cheuaux, cinquante millions à ceux à qui se roi-
 dissent, & puis voyla tout en chemin nous aurōs
 la guerre, *Ha praubes paisans, ha praubes bilains bons*

ayez hait les fots durans la paix, & vous en aurez prau-
 bes pacanards & vous en aurez, Voy i'entens crier
 les Poulles quelque, Chenes de bilageoises, les nous
 ostent deuant, allons mon frere, allons si nous les
 attrappôs chacun muquetera la sienne, tu m'en-
 tens bien, il faut commencer al ons donc cama-
 rade, alons mon couillaud alon. Astu peur des
 Estats de Sens, ha vraiment tu la prens belle, la
 Reyne à beau conuoquer, personne ne y veut
 mordre, les Amoureux de Poitiers donneront
 bien ordre à tout: mais qui y voudroit aller di
 mon braue mon baillant, qui y voudroit aller rê-
 dre conte de ses fautes la qualité le grade & l'au-
 thorité ne le permet pas aux Princes, les Iusti-
 ciers se passent bien de cela, les Ecclesiastiques
 n'en veulent point, toy & moy ny auons que
 faire, il n'est pas saison de cela, la Reyne seule y
 voudroit monstrier qui a ses Pistoles: mais nous
 sçauons bien qui sont sans nous en aller à Sens
 ce sont tous de grands ingrats à quil'on ne peut
 rien faire: car quand on leur deuroit coupper
 la gorge à tous ils n'en sçauroyent rendre vn sou
 ils ont esté volés les pauures miserables par les
 moquereaux de leur suite les Valons s'en plai-
 gnent, il n'est plus temps si elle les eusse bail-
 lez à garder à quelques honestes hommes com-
 me toy & moy sa peine seroit plus briefue, louë
 soit Dieu de tout, elle a donué son thresor aux
 ingrats mesmes qui blasment sa majesté. Parlons
 de nostre mestier nous aurons la guerre, les ex-
 traordinairement, mandez veulent rompre l'or-
 dinaire & mettre en leurs pandectes que la dis-
 me est a eux seuls. Ce qui corrobore mon cou-
 rage marcial est que si l'on ne tient les estats les
 nouueaux reformateurs auront tousiours leur

pretexte, & si on les tient Messieurs les extraor-
 dinaire croulleront vn peu le couuent, & Dieu
 sçait comme moines crieront c'est bien les tou-
 cher o ù il faut pour nous donner de boisoigne, on
 parle du diable de vau-vert & de la ligue: mais ce-
 la n'est qu'amourettes au respect de cecy, ha
 praubes predestinez vous voulez la disme, he vous
 en aurez, he vous en aurez sur le dos, he vous en
 aurez & la paix ne vous est pas saine, vous
 voulez le bien d'autrui, vous faites les fins aux
 armes contre ces proterues. Il me semble que
 ioy les Cordeliers, les Iacobins, les Carmes, les
 Chanoines, les Iesuites, & tous les Prestres
 crier au loup, au loup assomme lé l'Heretique
 qui demande la marmite tue lé, tue lé, tue lé, le
 glouton: Et de l'autre costé les ministres qui font
 esclater ces beaux mots ne liez pas la gueule
 au beuf: car ils sont de bestes nos freres qui pres-
 che l'Euangile de l'Euangile doit viure, & ne
 doiuent les pourceaux recevoir les marguerites,
 c'est à dire que c'est à nous autres Euangeliste
 qu'appartiennent les thresors de l'Eglise & non ala
 Pretraille & Moynaille de la Papauté ce sont tous
 de baudets, & de pourceaux, mes freres, à qui
 n'appartiennent les marguerites: c'est à dire les
 thresors bien a nous appartiennent ils: car com-
 me ainsi soit que nous possedons l'Eglise à nous
 appartient son bien à nous ses thresors à nous
 ses benefices le droit le veut, la raison le deman-
 de & nous le voudrions tenir c'est la querelle du
 Seigneur nous sommes ses ministres, cela nous
 appartient cela est nostre, hé! ne prenez vous
 pas les armes, & ne vous armerez vous pas, qui
 ayme Iulien ayme son chien, si vous aymez l'E-
 ternel vous nous aymez & nous devez secourir,

courage donc courage aux loups mes freres aux
loups! entendent tel tintamarre, aduanturier car-
rabin mon bon amy, peut on assurer la guerre?
ouy ma foy qu'on le peut faire.

Nous l'aurons donc, nous l'aurons donc la guerre


Car quand quelqu'un veut ravier l'autrui terre,

L'autrui s'esmeut & employe chacun

Pour escraser les membres à quelqu'un.

Que si nous l'auons par la conuoitise de ces aua-
res pendarts elle sera furieuse pour eux si ie les
rencontre *l'auté diez au temple de Charanton iou escon-*
table le ministre qui crioit il faut deschauser
les souliers pour monter à la montaigne du
Seigneur, c'est à dire disoit il, il faut quitter fem-
mes, enfans, pere, mere, frere sœurs, & le fou-
yer mesnie pour prendre les armes, & aler com-
batre pour la cause de l'Eternel qui ne veut point
que les Papaux Cardingaux & Euesgaux, man-
gent nostre disme (ainsi la nommoit il le bon-
homme) ha se di-je, alors enté las dents Caphard
fougous, tu dis qu'il se faut deschausser pour en-
dossier les armes, & aller à la guerre de tes pas-
sions: mais tu les deschaufferas tes souliers, si ie
te rencontre, & chargeras mes armes, & de cops
de bastons, & de cops de peds, & de cops de
pomeaux, *ben n'auras si non marchez comme cal inci-*
dicux endiablé que tues: Cap de S. Arnauld ou suis-
je, que ne te puis je tenir dans vn four aux despés
de ta vie, avec tous tes semblables prodicteurs
qui estes cause de la desolation Chrestienne & de
la ioye & augmentation Turquesque: car sans
vous nous ferions la guerre à Mahom, & à tous
ses satelistes, & ne nous meurtririons pas les vns
les autres pour casser vos heresies. La paix de
Dieu soit donnee à ceux qui vous veulent mal.

Amen,



Digitized by the Internet Archive
in 2010 with funding from
University of Ottawa

